



REGLUGERÐ UM ÍSLANDSMÓT Í GOLFI Í FLOKKI ELDRI KYLFINGA

1. kafli

1. gr.

GSÍ gengst árlega fyrir Íslandsmóti í golfi í flokki eldri kylfinga karla og kvenna.

2. gr.

Stjórn GSÍ skal auglýsa mótið og hafa yfirumsjón með framkvæmd þess. Hún skal skipa menn í mótsstjórn í samráði við klúbbinn þar sem mótið fer fram a.m.k. einum mánuði fyrir mótið. Stjórn GSÍ skal skipa a.m.k. einn dómara á hvern keppnisvöll. Viðkomandi klúbbur skal leggja dómurum og mótsstjórn til golfbíla, talstöðvar eða önnur fjarskiptatæki og sjá um kostnað vegna mótsstjórnar og dómara. Skipaður dómari skal hafa landsdómararéttindi.

3. gr.

Stjórn GSÍ ákveður þátttökugjöld sem renna til klúbbsins þar sem mótið fer fram.

GSÍ á allan rétt gagnvart ljósvakamiðlun frá mótinu. Klúbburinn þar sem mótið fer fram skal útvega fjölmiðlum viðeigandi aðstöðu í klúbbhúsi. Stjórn GSÍ hefur rétt til að kynna samstarfsaðila sína á þeim golfvöllum sem Íslandsmótið fer fram, í formi skilta, með fánum eða öðrum þeim hætti sem stjórn GSÍ ákveður. Þá skal merki GSÍ ávallt koma fram á öllu því efni sem útgefið er í sambandi við mótið og jafnframt vörumerki þeirra aðila sem eru samstarfsaðilar GSÍ að mótinu.

4. gr.

Þátttakendur skulu tilkynna um þátttöku a.m.k. 10 dögum fyrir fyrsta mótisdag (t.d. í síðasta lagi kl. 23:59 á mánudegi í vikunni fyrir mótið ef mótið hefst á fimmtudegi). Mótsstjórn getur þó heimilað þátttöku berist tilkynning síðar, hafi hámarksfjölda þátttakenda ekki verið náð.

5. gr.

Almennir keppnisskilmálar og almennar staðarreglur, sem stjórn GSÍ setur, skulu gilda í mótinu. Mótsstjórn getur þó auglýst viðbætur og frávik ef þörf krefur. Jafnframt skal hún hafa eftirlit með merkingum vallar og holustaðsetningum og getur ákveðið breytingar. Þá getur mótsstjórn ákveðið að fresta eða fella niður umferð eða umferðir vegna veðurs. Staðarreglur og keppnisskilmálar skulu vera fyrir hendi þegar á fyrsta æfingadegi.



6. gr.

Þátttökugjöld skulu greidd við skráningu. Þátttökugjald fæst einungis endurgreitt séu forföll boðuð eigi síðar en kl. 18:00, þremur dögum fyrir fyrsta keppnisdag.

2. kafli

7. gr.

Kept skal í eftirtöldum flokkum:

Öldungaflokkur karla (50 ára og eldri)

Öldungaflokkur karla (65 ára og eldri)

Öldungaflokkur kvenna (50 ára og eldri)

Öldungaflokkur kvenna (65 ára og eldri)

Aldur miðast við almanaksár.

Hámarksfjöldi keppenda er 150, þar af 108 í flokkum 50 ára og eldri (54 karlar og 54 konur) og 42 í flokkum 65 ára og eldri (21 karl og 21 kona).

Þátttökurétt öðlast erlendir kyflingar ekki fyrr en eftir a.m.k. þriggja ára samfellda búsetu héraendis. Þurfi að skera niður fjölda þátttakenda skulu forgjafarlægstu keppendur kl. 8:00 morguninn eftir að skráningarfresti lýkur fá þátttökurétt. Standi val á milli keppenda með jafnháa forgjöf skal hlutkesti ráða.

Verði ekki full skráning í einhverjum flokki skal fjölgað í flokki hins kynsins í sama aldursflokki. Að því frátöldu skal fjölga í hinum aldurflokknum, jafnt í báðum kynjum. Mótsstjórn er heimilt að fjölga keppendum í einstökum flokkum til að fylla í ráshópa.

Mótsstjórn er heimilt að takmarka rétt til þátttöku við forgjöf.

Í flokkum 65 ára og eldri er notkun golfbíla heimiluð.

Ef keppandi er skráður í tvo flokka skal miða við skráningu hans í eldri flokkinn varðandi hámarksfjölda keppenda, tilfærslur ef ekki verður full skráning í flokka og við röðun í ráshópa.

Leiknar skulu 54 holur á þremur dögum. Mótsstjórn er heimilt að hafa niðurskurð eftir 36 holur. Reglur um niðurskurðinn skulu þá koma fram í keppnisskilmálum.

8. gr.

Skylt er að keppnisvöllur sé opinn til æfinga fyrir skráða keppendur í minnst 2 daga fyrir mót. Heimilt er mótsstjórn að takmarka æfingu við eina umferð og skipuleggja rástíma ef með þarf.



9. gr.

Ef jafnt er að loknum 54 holum skal leika þriggja holu umspil og síðan bráðabana ef þörf er, um 1. sæti.

Veita skal þrenn verðlaun í hverjum flokki og skal farandgripur fylgja 1. verðlaunum.

10. gr.

Mótsstjórn ákveður rástíma og leikröð keppenda og skal hún kynnt ekki síðar en á fyrsta æfingadegi.

Óheimilt er að hafa fleiri en þrjá keppendur í hverjum ráshóp.

11. gr.

Sigurvegarar í efstu deild hvers flokks hljóta titilinn Íslandsmeistari viðkomandi flokks.

12. gr.

Að öðru leyti gilda móta- og keppendareglur GSÍ.

Þannig samþykkt af stjórn GSÍ 12. apríl 2021.